

西南文學文獻

第十二卷

中國西南文獻叢書



101.11/1.12

104.11/2

中國西南文獻叢書·第六輯

西南文學文獻

第十二卷



本輯主編：徐希平

田耕宇

副主編：肖燕

鄭慧珍

葉南

編撰：王永波 陳堯 邢金良

劉浪 徐立昕 鄧潔

林洪濤 李廣科 艾晶

張麗豐

本卷目錄

縉雲文集	〔南宋〕馮時行撰……………	一
澹齋集	上 〔南宋〕李流謙撰……………	二七九

【南宋】馮時行 撰

縉雲文集

《縉雲文集》，別集類，南宋馮時行撰。時行字當可。恭州巴縣人，嘗居成都縣北縉雲山授徒，因以之爲號。紹興間進士第一，以奉禮郎召對，力言和議不可信，忤秦檜，出知萬州，尋罷職。檜死，起宋蓬黎，以提點成都刑獄終。《宋史》無傳，《宋史·藝文志》載其文集四十三卷，歲久散佚。明嘉靖中重慶推官李璽始訪得舊抄殘本，編爲四卷，得以梓行。《四庫全書》據李璽本抄本，另有清趙氏子山堂抄本《縉雲先生文集》四卷，附錄一卷，以及《宋詩抄補》中《縉雲集抄》一卷。今用文淵閣《四庫全書》影印。原書版心高二十二點三公分，寬十五點三公分。

欽定四庫全書

集部四

縉雲文集

別集類三 宋

提要

臣等謹案縉雲文集四卷宋馮時行撰時行
字當可壁山人紹興乙卯丙辰間為丹稜令
罷歸後出守蓬黎州終於提點成都刑獄公
事嘗居縣北縉雲山授徒因以為號宋志載
其文集四十三卷歲久散佚明嘉靖中重慶

推官李璽始訪得舊抄殘本編為四卷授梓
此本即從璽刻傳寫者也時行宋史無傳四
川通志稱其與曾開朱松等共斥和議忤秦
檜坐貶今讀其詩文忠義之氣隱然可見志
所載當不誣惟志以為嘉熙間狀元及第考
集中明云宣和初應進士舉又有建炎庚戌
中秋與同官相期月下詩及紹興六年十月
六日詩斷不得為嘉熙間人宋狀元錄亦無

其名志殆流傳之誤也乾隆四十六年十月
恭校上

總纂官臣紀昀臣陸錫熊臣孫士毅

總校官臣陸費墀

惟官守重始訪得善抄遂本論為四卷校梓
此本即從重刻傳寫者也時行宋史無傳四
川通志輯其與重開宋史等共所和議情奉
禮生疑今讀其詩文忠義之氣隱然可見忠
所與重不誣惟志斷為蘇氏所撰是也
集中明云宣和初蘇軾有書與趙鼎趙鼎無恙
宋蘇岳同官相期月下讀史紹興六年十月
其書云蘇軾蘇軾之書與趙鼎無恙

欽定四庫全書

縉雲文集卷一

宋 馮時行 撰

五言古詩

遊石龍偶成寺僧通首坐飽歷叢林歸老此山
故詩多及

飛泉撼琳球羣山高崔嵬中有古道場紫煙籠觀臺石
門不施關榮辱自不來霜鐘鳴萬壑日出山霧開老僧

金刀
卷一
挈筠籃上山拾美材歸煮南澗水至味謝鹽梅食飽不
下牀法身充九垓破衲一甲子雲間與徘徊我欲吐情
語銘之古巖隈雲切戒多事勿聽龍作媒為雨非不佳
世間多塵埃預恐為雨罷歸來污蒼苔

友人惠酒殊佳用清光滑辣四字為韻以謝

六府萃百感攻愁須酒兵故人如我知侵月走雙甕手
裂絳泥封瓦盆貯瑤瓊我生百世後見此聖之清一飲
肺腸潤再飲毛骨輕何必跨茅龍超然欲遐征

先生飲至和尺宅如鑑光餘力暨酒醴百甕春朝陽洗
我朱墨塵凌風龜鶴腸醉鄉更飽歷岐路久已荒休吏
閑齋閣三盞通真梁到處百慮息其俗如陶唐

苦懷茅屋底夜歸船軋軋酒榼對魚籃照路燃葉桔及
門呼弟昆長少常七八酣腸如有神造化不管轄竭來
久欠此君乃餉甘滑大醉今復狂醒來恐愁殺

冠豸取能觸佩劍取能割飲酒移氣體我亦嗜清辣舉
白欲下咽丹腑已通達溫溫坎離間正氣自旋幹於焉

養真勇險語犯天閨千鍾建太平宣徒為消渴

舍弟生子

多女信無助多男復何虞我固喜二仲輩出三丈夫
圓郎未解語手欲學抹朱閨郎好神氣兩眼澄秋湖
復有新生兒初探玄海珠一一閱清俊並是千里駒
胡為集我家足視種德符昆弟若一體在爾猶在吾
堂前有雙親各已皓鬢鬚抱弄想慰意顏色朝愉愉
未問壯門戶悅親良所須況我藜藿腸要當飽典謨
足以立家學燦

燦遺羣雛爾後更五稔汝等行不扶我欲為道肥汝當
為書癯富貴何足道陸賈真洪儒

龍鶴禱雨

地靈丘壑邃危路入紫煙藤蘿閼尺水中有龍潛淵青
曦弄驕暉紹興丙辰年嗷嗷周餘民生理諒難全令尹
謝不敏來上天公牋一念如絲芒已幹造化權夜半雷
遶山雨出山之巔凌晨眺四郊草木亦欣然民戴神之
休次謂令尹賢賢則吾豈敢庶道失職愆甲兵久不洗

風靈漲塵寰茲事非神助若為快灌漑物極理必反否
泰如循環神龍儻有意速起飛九天

斬鷄栖木

舍南開小園土平如沃肥去年種桃李今年花離離畦
丁不解事其傍樹鷄栖雨潤枝柯繁風吹花葉披頗乘
風雨力似欲桃李欺桃李不自持向人顏色低客從何
方來指呼厲色辭謂我同薰藉蒙昏其在茲草木區以
別其猶異妍媸再拜謝客意詎勉事剪夷桃李佳氣浮

欣欣如有知老夫意猶惡有悔不可追大哉天地寬含
覆萬彙滋美惡詎可齊俱受一元施援毫書其事用貶
小已私

偶成

越羅與蜀錦被體何其華豹胎與猩脣適口良自佳佳
美未必得飽暖不可賒明通紙勝雪樂昌墨如鴉更招
南浦石四友相寵加謾薰新寧香時烹固陵茶蕭然文
字間亦足為生涯